

195200

鳳凰廳志

鳳凰

鳳凰
應志

鳳凰廳志卷之十九

天章

謹按書雲紀瑞自古爲昭成象在

天無遠弗届我

朝雍正八年慶雲見苗疆

高宗純皇帝御製爲賦

鳳藻齋皇

龍文炳耀洵婉隆紉縷之歌矣恭將

御製敬謹刊示俾邊徼萬姓亦得其仰

天章永沾

文治



雍正八年庚戌十月池河營慶雲見

高宗純皇帝在潛邸進

世宗憲皇帝萬壽日慶雲見苗疆賦惟

皇清肇三韓而定業肇盛京以立基既應天而昌運亦

撫民而順時

世祖白旄黃鉞仁義與師於是乎撫有四海宅燕京而嚮離
於皇

聖祖作則生知正義育仁以馭世制禮作樂以定規六十一
年之滋恩渥澤逮我

皇而克享其雍熙丕鍊

皇德

聖祖是式精神通於神明聲色允其恭默勤政亶乎八年至
仁敷乎萬國擊壤者歌何有之

帝力含哺者順無爲之

帝則

昊天曰明鑒我

呈清何祥弗應有瑞畢呈乃撫謙而自牧更持虛而若盈或

親而不居或讓美而弗稱斯固

一人之大德巍巍蕩蕩而難名者也歲在上章月惟淵獻

帝澤均施

皇風普扇坤輿載闢紅苗允致其其球版籍初登六里亦安
其服甸乃宣布化誨之初辰實誕降吾

皇之聖旦鴉保寨之大吏初臨地良坡之苗民同沐池河營
之猺獐咸臻萬落江之老幼共見共地而

王命頒陳同時而卿雲燦爛歸誠之愚民稽首何異華封之
祝三宣意之將吏傾心允似嵩高之呼萬氣氤捧日劈

鳳凰
卷之十一
三
碎錦之千重縹緲麗天幻榮光於萬變爲樓爲閣拱黃
道以旁敷非霧非煙被清風而不散五文絢彩於璇霄
十色流虹於碧漢此重譯之來不聞奏於越裳七旬之
裕不聞歌其紉縵者也況於嘉時正午恰當

景命之辰歷未及申允愜縣長之願彼夫升堂於黃帝之時
起河於伊耆之代人房於殷湯之宮浮洛於周成之載
穆天子之王母爲謠漢武帝之泰山紀再或一色而無
文或旋聚而忽分豈如歷三時之久當

聖壽之辰見新附之地昭歸化之民又何足稱函關紫氣帝

鄉白雲哉乃爲之歌曰於赫

聖治兮格於

蒼天嘉瑞聿昭兮於彼苗田格愚乎頑兮

主化齊宣祝我

聖壽兮億萬斯年

鳳凰
卷之十一

鳳凰
卷之十一

鳳凰
卷之十一

藝文志

道所燦著爲文炳日星也道所散見爲藝協規矩也
然書數藝也而實統於文詞章文也而必繫以藝則
藝與文固一而二二而一者我

朝同文敷治偕倫軌以咸昭攷藝掄才與德行而並進
懿哉遠邁前古矣遊其宇者真不蹈

德詠

仁和其聲以鳴

國家之盛鳳凰踞楚之西拱

京之北雖邊陲荒僻著作無多而獻承有奏撰書

卽分土設官亦莫不勒石以垂於後又況高山

自有清音俯察仰觀定多寄託使夫賦尙物詩貴

緣情要皆辭就班選裁按部以故寬爲取之嚴爲

取之俾觀風者於此得其實亦問俗者於此知其真

也豈惟書藏二酉爲足誌方隅之典林卽此地屬五

溪要更覘

熙朝之

文教作藝文志

附雜議

明

新建五寨城記

山西 巡撫 劉 臬 五泉 漢南

湖廣古荆楚之域其西爲辰沅上連川貴環數百里
崇山深谿諸夷盤錯蓋古夜郎槃瓠之區也舜之時
苗民逆命帝乃誕敷文德書稱七旬有苗格尙矣至
漢馬援諸葛亮先後征蠻事尤彰彰史冊者自是以
降叛服不常明興高皇帝遣三將軍率師三十萬平
荆蠻下黔中天戈所指獻寶納土遂錄其酋長世撫
之於辰沅境內設永順保靖爲宣慰司五寨篁子坪

爲長官司後鎮筓苗復叛其長黨苗怙險宣德正德間屢勤王師乃漸設哨堡更設都指揮守備於乾州而邊方日多事矣今上二十一年壬寅苗攻麻陽用廷議遣御史中丞進賢萬公鏜勘治之疏請設叅將於麻陽分守鎮筓及貴州之銅仁戊申苗益亂攻三省沿邊諸城上復用廷議遣御史大夫惠安張公岳總督軍務開府沅州復疏請增設叅將於銅仁而麻陽仍專守鎮筓如故凡代者旣四未有議及移鎮建城者今督府御史大夫慈谿馮公岳節鉞聿臨疇咨

經畧於是中軍叅將李君英議以鎮筸叅將偏處麻陽不若移鎮五寨長官司可以東控鎮筸乾州西援貴之銅平南捍辰沅諸郡縣而麻陽自在腹心扼吭捐背左右犄角於調度機宜爲便而修城保障亦不可緩下兵巡僉憲于君錦議以克合乃列疏偕鎮巡諸公請於上可之更賜叅將孫君賢以璽書而事任爲益重初五寨有土城卑隘甚至是督府下史守備淮呂通判煥相畫城事垣墉埤堦甃以磚石四門建樓覆串屋爲守舍五百餘間約費帑金五百七十兩

有奇議既上督府下藩司取省中羨緡畧孫君督成其事凡工匠僦諸傭役夫取諸戍卒木石伐於山篲甓延於陶灰堊焚於冶始於丙辰仲春及丁巳仲夏而工成垣墉高厚埤堦樓櫓巍峩完整內壯節鎮外聳瞻望其爲辰沅兵民之利豈小焉已哉夫春秋之義城築必書而易戒覆隍書稱勤墉城謝城韓城朔詩人曩著之於詠歌夫固以帝王之所以安夏攘夷必致之道也惟督府馮公許謨遠猷國史所必載而鎮將孫君經畫創置功亦彰彰乎著矣是宜有紀也

乃礮石爲碑徵記於臬爰序列其顛末用詔來者時
五寨司長官田興邦咸與斯役法當備書嘉靖丁巳

季秋記

五寨司新建叅將戎署碑記

劉 臬 詳前

皇明統一海宇建置武臣材勇布列惟總兵叅將爲
重故湖廣總兵官每以勲臣佩印出鎮其靖州清浪
叅將分地防守由來舊矣而鎮筸之移設叅將則自
今始也蓋辰沅居湖北上游苗夷巢穴怙險黨亂屢
爲邊患正德癸酉征鎮筸苗平始設守備於乾州迨